



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一六三

後村詩集四卷附錄一卷 喻 指撰

一

後村文鈔二卷 喻 指撰

五九

淪齋詩集十二卷淪齋文集二卷 吳士燾撰

一〇七

亦種堂詩集五卷 徐士訥撰

二六一

孫司空詩鈔四卷首一卷 孫在豐撰

三〇九

蓮洋集二十卷 吳 雯撰

四一五

後村詩集

咸豐元年十月

清溪書堂關雕

後村詩集

後村詩集跋

非指先生詩五古佳於七古七律又佳於五律五七絕不多大都可存蓋其人稟承家學負磊落不羈之才少遭亂離老復不遇於世滿肚皮半騷鬱勃悉舉而發之於詩宜其頓挫沈鬱慷慨激昂如漸離擊筑荆卿和而歌老驥伏櫪而悲鳴至今猶如見其人如聞其聲也然而託物起意猶不失之怒張借題抒情猶不過於直致五古如讀吳寶崖遊廬山記七古如覽勝堯峯一片神行雖出坡仙手不過如是廣陶十章為晚年有得之作

後村詩集

李汝

一

寓言八首為當時紀事之詩皆名篇也五律多以古體行之如唐人主客圖中諸作意深語淡其味無窮然如蔓草自交綠文禽時乍啼花香惺蝶夢草暖護蟲吟情景交融耐人尋繹又未嘗不合中唐風調也七律興酣落筆神來情來壯采英思絡繹奔赴句如雲郵破屋憑舒卷月闔柴門絕送迎嗟日奔忙歸海角看雲斷續補山腰皆未經前人道過者而村居雜感三十首極意陶寫尤為獨絕次幸惠可險韻詩愈出愈奇每押一韻皆如拋輒落地不可動搖宜其能享大年且徵後福之必

餘遠矣抑非獨詩佳文如爲先考玉潭公行狀筆亦老鍊至自奠文則神妙直逼髯蘇較淵明自祭文爲彌有味七絕如木脫山空逐野鷹手柔弓燥劍橫腰早知鹿死山樵手悔殺當年學射雕慷慨以慨真令人擊碎唾壺尊家有此至寶當卽付之梓人以開張後生耳目俾知興觀羣怨詩本如斯彼以興瞻見長如塗塗附而語非本色習無寄託者皆不足與於斯道者也

道光庚戌二月後學上高李祖陶跋

後村詩集

李跋

二

後村詩集跋

先

贈朝議公後村詩集先王父清溪府君嘗欲刻之未及而卒家君達文公季父智文公仰思先德復謀板行命小子震孟重爲編次震孟智識短淺勉效管窺不敢自信乃是正於上高李過堂先生又聞永豐郭先生羽可負能詩名適主講經訓書院復就正焉先朝議修學好古著書十餘種絕不欲以詩人自名今所存詩數百首乃公之緒餘然亦有不苟者師法柴桑源流少陵展卷讀之滿紙皆忠厚悱惻之思也後之君子誦其詞足以知其性情之正抑震孟又有感也公生平既不自刻詩集其存於家示後嗣傳之五六世者皆寫本也乃闕藏掩抑於荒齋舊篋中者百數十年而終暴發於一旦豈非誠不可掩人品既真卽其緒餘亦自有一段真氣盤鬱於中不可磨滅歷百年更數十年有久而必發者耶固知今日卽不付梓公之光氣終必有時著見於天地間不能長沒沒也集編爲四卷附錄一卷

咸豐元年辛亥八月第六世孫震孟撰

後村詩集

跋

一

評語

沈歸愚德潛曰先生近體石城晤林茂之作五六語不

必求工而遺民身分自見一氣清空亦從杜詩中出

世人學杜者但求形似得其皮毛耳

王紹李爾綱曰出南郊一首句皆有味

郭羽可儀霄曰作者古近諸體詩風骨性真蒼勁沈警

樸拙無時態而閒有自然天穎流露行閒知其得力

於杜陶韋孟諸家而苦心孤詣有獨到處窮而後工

不信然與

後村詩集

評語

又曰先生之詩可存在真樸沈學

李適堂祖陶曰先生五律詩是詩奇古淡一派看似容

易做來卻難

後村詩集目錄

第一卷

五言古詩

廣陶十首有引

除夕喜同二姊守歲兼憶長姊

壽二姊六十并贈唐甥小藩

輓劉甥若尚德配鄧孺人

懷陳元昭策敬

侍陳訥生老師渡黃河

後村詩集

目錄

穀城署中呈別陳訥生師

吳寶崖陳玟以初遊廬山記并詩見貽作此致

謝

李民適以別詩四十韻賜教病中率筆次答

贈裴內翰之仙

無題

五日觀競渡

遊洛吟

舟次荆山

今古路和劉貢父韻

北邱吟

七言古詩

同李吉皆

謝光

張雲則

舍姪茂節

啓鉉覽

勝堯峯諸僧乃目為戲子呼叱竝用笑紀以詩

戊子五月十七日食新

壽劉季可七十

匡廬雲海歌

後村詩集

目錄

二

龍山歌

有引

恤骸歌

有引

禽言八首

有引

傷早用潘公韻四首

傷水用梁公韻四首

第二卷

五言律詩

遊雲巖寺

次中丞朱公過北蘭寺原韻三首

坐扣舷亭贈 和尚二首

送劉雲莊巖姊丈赴京謁選五首

有引

元日試筆偶興二首

寄懷劉雲莊三首

寄懷劉甥若尚留署三首

庚午鄉試報罷漫賦二章上房師陳誠齋先生

庚午除夕漫興二首

癸酉關中玩月

甲戌除夕前一日舉子艱危甚矣人日獻羹病

後村詩集

目錄

三

室復起治事詩以誌快

壽李修林

余茂

四十二首

慶中丞修公蒙賜 御書兼祝壽三首

甲戌春大荒中夏割青療飢

甲戌秋觀穫

麻城道上

陳州道上拜伏義陵

葵邱會盟臺懷古

虞城調商均墓

穀署雷別劉右朱 起注

過廬州府家洪陶先生曾守此郡

過小姑山

公飲以詩見示次韻答之

和金用泥見贈原韻

睢州道上遇雨

贈富平蓋其相

吳肩聖 緒承 久別以詩見投隨次原韻

村居

後村詩集 目錄

四

甲申六月十一日試新井擇而取之不得已也

嗣是鄉間日食取給青苗愁痛餘生為詩紀

事十五首

乙酉除夕三首

丙戌元旦試筆三首

元旦弄孫三首

新正六日聞租差至二首

次艾清野 情 園中偶興韻

過生米市登眺蛟臺和羅飯牛壁間韻

同李吉皆入西山訪友二首

秋葉

過盱江益王府墓今遷 聖廟

望麻姑從姑不得登三首

次元昭贈別原韻二首

近來

春深

庚寅饒春

九日登高不果二首

後村詩集 目錄

五

驚寒

出南郊

登岱

懷歸

登望湖亭二首

罷釣

齒落

分秧

報國松

懸榻待高士

修竹吾廬爲夏豫則兄弟賦二首

小嶺四景四首

湖山喬木

梅嶺煙霞

長岡青翠

藥湖漣漪

第三卷

七言律詩

後村詩集

目錄

六

秋屏覽勝二首

道中望白湖峯

壽內

癸酉除夕

甲戌元旦試筆

乙亥九月登西枝村小山二首

除日病肺

哭亡友李吉皆二首

石城晤林茂之 古度

除夕感懷四首

西枝村初築土室漫興六首

西枝村土室落成六首

望西山

春暮訪松鶴鍊師於山中茶酒倡酬次韻五首

春前三日見梅三首

舟次吉州望螺子山白鷺洲陳岡山甲寅諸戰

地二首

舟次吳城謁令公廟登望湖亭

後村詩集

目錄

七

過黃州赤壁懷古

癸未除夕二首

病久二首

清明舟次吉州次吳肩聖原韻

偶坐西枝村漫題

村居雜感三十首 有引

贈餘于齊清庵 元文二首

送某先生內擢

移居二首 有引

過界山感甲寅攻守之變詩以弔之

同元昭過青麻道上諸妓賦集詩以遣之

舟中望從姑

和查可亭克宏詠筍

客廣昌署中

下第

壬辰除夕二首

癸巳元旦試筆二首

壽言十首有引

後村詩集 目錄

人

次辜惠可險韻二十首

九日望高山欲登不果二首

壽內

無題四首

觀競渡

贈楊明府周憲

贈戴總戎

贈白別駕

贈潘學博

慶中丞佟公蒙賜 御書兼祝壽六首

明妃夢返漢宮次友人原韻

梅菊同瓶次侯虞民韻

蒲劍二首

雁字次熊來周履廷韻六首

白鸚鵡

第四卷

五言絕句

同老友李吉皆謙光舍姪茂遠啓鉉覽勝城南

後村詩集 目錄

九

時午過飢驅叩門青雲圃仍不得食題壁而

去

夢中得詩醒後記之工拙不必論也

許旌陽仙蹟雜詠十四首

逍遙山

倒插柏

龍沙岸

洗藥橋

飛來木

望仙橋

斲石橋

更衣鏡

塞沙洲

翻車岡

插劍泉

湧金塘

芒鞋跡

畫松亭

後村詩集

目錄

十

七言絕句

滕王閣懷古四首

東湖權歌三首

宿西山罕王嶺

宿蕭峯

過梅嶺二首

過皇恐灘

過子路問津處

飲麻姑酒口占

秋日江頭送羅三英歸新吳

戊午鳴秋十二首

歲暮

圍爐十二首

有引

和樊元御春閨怨二首

宮怨

西施二首

昭君二首

採蓮曲

後村詩集

目錄

十一

錢春

巫山高和友人原韻

胡德庵都岡以粵中大蝶見貽其大如盤賦絕

句二首

題畫燕

梅花

贈竹二十六首

有引

無題二首

壬寅除夕

癸卯元旦

後村詩集目錄終

第六世孫震孟編

後村詩集

目錄

十二

後村詩集

後村詩集卷第一

新建 喻 指 非指

五言古詩

廣陶十首 有引

壬申春王正月余浮生五十落落寡合深自痛
悼時春早暄妍遲憔悴仰觀翠抹長空晴光
欲滴黛橫遠際岫色遙迎復覺胷次爽然爰走
叩 先君墓所驢背閒情偶憶及靖節先生遊
斜川詩喜先我有同心用其首尾韻廣爲十章

後村詩集

卷一

一

名之曰廣陶蓋廣其意以自陶寫非若惠州之
和陶也山谷跋和陶詩曰淵明千載人東坡百
世士出處雖不同氣味乃相似必相似者而後
可以相和余小巫也珠玉在前令我形穢小子
何敢僭擬焉

開歲條五十吾生行歸休陶風聲自東來吹我心上愁
愁心視春草得時綠芳洲天和敷其榮地脈滋其柔我
生草不如每逢春亦秋 君親孤義重歲月空淹留念
念心面熱餘生將何求陶

九

開歲倏五十吾生行歸休骨肉淪草莽薄命獨離憂念
彼九原下徘徊南陌頭皇皇終身慕惻惻半生愁自憐
丁孤苦獨楫理虛舟沙挾江聲走波從天際浮涉川惟
一慎餘生將何求

開歲倏五十吾生行歸休陰旣不能惜時又安可畱非
集一身內知昧五更頭風波在饑飽世路苦悠悠造化
自多情草木怨春秋側身天地閒餘生將何求

開歲倏五十吾生行歸休躬耕筋力薄爲農常自羞督
耕僮僕懶有種無全收雖然樂十畝孤負壑與邱荒邨
後村詩集 卷一 五

友雞犬柴門寫鳳牛市朝誠可樂貧賤非所遊採芝無
深谷餘生將何求

開歲倏五十吾生行歸休築室小山下怡然念故邱列
棘分中外誅茅蓋上頭種竹聯新友栽花代好逯忘機
常狎雀遷世任呼牛蔬肥根亦脆黍盛莖偏柔田家衣
食足餘生將何求

開歲倏五十吾生行歸休美人在西方與誰爲好逯秣
馬猶吾願敢望抱衾稠驚危懼冒禮鳴雁又經秋相思
枯海石作合詠河洲誰能伸此語千金結蹇修蹇修前

致辭美人定情不芳心豈不謹爲愛此情柔惜無父母
命欲語復含羞眷言懷令德餘生將何求

開歲倏五十吾生行歸休翹首長安道山川阻且修怒
山橫北郭悵水盡東流水不寄吾淚山偏障我眸聞說
皇居壯輪躑競勝遊八紘羅俊傑盡瘁悉公侯自知

骨相薄江湖恩盟鷗松依危澗老蘭據空谷幽黃虞今
已遠餘生將何求

開歲倏五十吾生行歸休擊杖東臬外悠然念九州浮
雲擁白日忘卻故山頭飄飄春風下不管雲去畱直人
後村詩集 卷一 五

柴門內揖我彼舊遊春風仍似舊我賤形如鳩握別囑
春風寄語雲休浮倘念山中友餘生將何求

開歲倏五十吾生行歸休圖書遺數卷偶爲避俗畱在
笥不在腹對之徒增羞近得先秦法毅然付東流誓將
反太古智巧非所優字體結繩妙文師河洛幽吐棄文
字緣餘生將何求

開歲倏五十吾生行歸休敝廬依湖曲學隱放扁舟捲
書付孺子焚硯謝箕裘青篲宜短短直釣任悠悠載月
尋幽夢呼風戲上流不是臨淵羨聊試坐茅鉤問津思

漁父化石悟留侯黃公如遇餘生將何求

除夕喜同二姊守歲兼憶長姊

度歲尋常事歡聚實難逢同懷六姊弟存歿感我衷致
者不可作存者各西東長姊多愁病念念心倍惘一別
十三載老狀想疲癯二姊地相近音問得時通過有吉
凶事謀畫幸與同每言當伏臘眷懷故土風竹竿賦簞
籊鴿原恨忡忡歷年四十六守歲別宗宮今夕果何夕
共樂歲事終斗酒莫言薄山穀何必豐情真而語快燈
燭若爲紅述我少年樂惜我老大窮陳說先人苦開啓

後村詩集

卷一

四

後人聾語語堪隕涕事事足銘中白髮姊及弟貌老而
心童把盞酌復酌大笑餅壘空

壽二姊六十并贈唐甥小藩

蒼蒼一枝梧託根厭原麓離離葉畔實採之不盈掬念
我堂上親勞生真碌碌兒女雖成行姊弟僅得大明發
共有懷征邁恩式穀忽爾半離羣感念吞聲哭去者盡
少年存者無全福阿姊幸六旬幼弟孳觥祝不敢侈荒
唐惟知念骨肉同是苦中人苦事猶在目憶昔姊歸唐
倚玉叶鳳卜內外頌端莊上下能蕭睦琴瑟韻詩書機

絲勞村柚舉案十六年中道歌黃鵠贊贊位二雛傷心

惟念鞠或爲唐氏男馬鬣親卜築或爲唐氏師荆條自
訓塾奔走禦外侮卽爲唐氏僕昏嫁豫貽謀大啓唐氏
族念彼地下恩不顧身勞勤苦節動蒼穹令子食天
祿捧檄侍慈顏顏開眉不感天地豈無情有剝必有復
氣運不終窮有寒必有燠剝復見天心寒燠識世局盛
衰在人持碩果含生育堂北萱皇皇階南蘭馥馥我姊
快銜杯海籌初添屋我甥持滿卮鼎足頓覆餗諸孫繞
膝前娛老惟誦讀白髮樂天和瓊漿何必服推恩撫貌

後村詩集

卷一

五

孤老者憐熒獨僕僕走風塵老者憂水陸大孝在養志
世路多反覆白愛愛高堂老牛閒舐犢敬親敬爾身宛
鳩羞翼伏我懷原上鴿爾採原中菽姊弟每依依幼勞
詠莪蓼甥舅各兢兢溫恭如集木薄祿仕曾參嘗羹遺
考叔富貴何足稱絲戲勝絲竹順親況得君克諧聞岳
牧長歌助吾甥 朝端自推轂藉手報尊公春風噓寒
谷

輓劉甥若尙德配鄧孺人

日月有代謝陵谷亦遞遷天地留不住劫風飄寒煙人

生血肉軀何以得長延既無賢與聖何有佛與仙所謂
 情與性團圓共一圓所謂生與死團圓無字詮一部廿
 一史竟忘盤古前者果誰氏痛哭將誰憐多事怪盤
 古無端判人天後聖踵其事五倫相緣牽死悲生則樂
 性真情自堅我甥致倫理情深而性全阿姊昔辭世骨
 立形神痕至今廿四載刻刻感栝椽十八歸之子四德
 競稱賢登堂事舅姑禮儀謹且虔痛姑不相待愛心常
 自煎卜岁脫簪珥相祀潔豆簋窈窕而淑慎同心共勉
 旃琴瑟方靜好杜促驚危絃相隔千餘里兩意同懸懸

後村詩集

卷一

大

蘭房春去早中道成棄捐遙聞之子逝雖心入九泉九
 泉冥杳杳獨往魂躡躡雙親旅官舍穉子侍靈筵依親
 子在此戀子親恩獨去畱渺無定芳魂託杜鵑夫婿情
 志一安得不纏絲燕香魂不反續膠色徒鮮我聞茅山
 藥明珠使生還又聞蜀道十金釵了夙緣返魂有倩女
 亭亭嬌且妍事事駭聞見究亦歸虛元虛元不可執而
 況術不傳贈子以自愛自愛愁無權鼓盆莊子達傷神
 奉倩偏慎勿追昔愛愛欲苦無邊觸目倘追念春蠶徒
 自纏古今重曠達悲歡原相聯況有千鈞擔誰能代爾

肩我稽開闢始至今歷有年一百一十四甲子互周旋
 視之如一瞬曠御徒勞鞭其閒忽有我餒餐而倦眠愁
 來渾不識語出似逃禪安知我之身不在開闢先安知
 身屬我鎔鑄坤與乾乾坤如一粟任我擲何田天地猶
 衰老形神何不然請君聽一曲熱情墜重淵

懷陳元昭 策敬

結髮為兄弟歡愛若同生相見一執手中懷卽盡傾孰
 意十年內一再次豫城共喜心肝在儀容各詫驚貽香
 盈我袖酌酒盈我觥錦衾共長夜孤寒夢頓榮回首豫

後村詩集

卷一

七

城別歲忽又五更衡門我抱影四海子縱橫南征慙湘
 粵北遊瞻 帝京文章步司馬四君薄聲名結交皆新
 客恐非舊性情臧書欲寄遠未免笑逢迎丈夫重意氣
 萬里輕長征況復志忠孝承歡報 聖明不才甘落落
 南畝學躬耕幽居知別苦老賤覺身輕念子不能置春
 風怨啼鶯忽憶閨中女遙遙尋舊盟多情憐爾慣斂坐
 盼行旌誰能寄錦字換取掌珠擎

侍陳訥生老師渡黃河

亭午渡黃河水競波凌亂濤翻百尺泥目窮天際岸篇

師不習舟泛泛中流半幸師孚豚魚蛟龍不敢玩行矣
慎風波陪遊同霄漢

穀城署中呈別陳訥生師

秋風吹征衣遊子歸故里出門淡朝煙輕塵裏朝雨立
馬復踟躕思深沁肌髓小草負天恩託根幽谷裏望望
桑麻成霖雨天顏喜師出展鴻猷我歸抱耒耜丈夫遭
坎軻四顧慙知己重來未有期脈脈對秋水珍重 聖
明時 君相懷有技何以慰相思賡歌共喜起

吳寶崖 陳琰 以初遊廬山記并詩見貽作此致謝

後村詩集 卷一 八

廬山本芳鄉不識廬山面山古自多情何嘗厭貧賤賤
子苦逢迎對之徒豔羨誤記自先生處處廬山見吹毫
活山靈收入奚囊便選峯贈臥遊心快目亦眩偶見太
平宮忽入神運殿纔過東西林又登香山院佛虎笑迎
送禪蛇解滯戀置我於峯頭海嶽恣吞嚙雲裏看山魂
神乘文字傳莫訝峯飛來羣鷲手如椽先生卽洪鈞鑄
形以竿硯摩頂白頭盟 寶崖詩曰匡君盟未寒
白頭猶然登故及之 待君石
一片

李民適以別詩四十韻賜教病中率筆次答

渥洼有名駒汗血真堪顧世無九方皋拓落轅下寓美
德有誰稱奇功向誰樹仰首哈塵沙追風薄煙霧蕭蕭
望旆旌樞卓將身銅駟駟飯郊原羣步彼亦步眷懷生
我因踞促淚如注遜彼服輓牛任力成稼圃遜彼乘驛
傳奉命走檄諭前程雖有期肯使英姿誤鄰里惜哀鳴
父兄情難措秉性本純良馴習得賢傳忽起千里心終
夜不能寤何時騁逸足快將青雲附牝牡忘其形險阻
任彼赴一鳴馬羣空一顧孫陽遇人羨千里程彼出生
平素奇功標萬古奇聲走如鶩駿骨買難同凡胎不得

後村詩集 卷一 九

晤不藉馮鞞功何須屬車護康莊見奇才馳驅有法度
成人馬上功笑彼書中蠹遙望百丈塵騰驥在 皇路
任重既有資致遠亦有具鵬程九萬長舉足驚飛怒人
羨困而亨豈知德力裕我雖老而衰猶見爲霖澍幸附
忘年交鄙衷每相訴慙直恕我愚諷諫恕我屢以故取
罪愆中情不堪布少年逢老迂自然易生惡才名動世
人自然皆無數我外少儀文我內敦誠懷所願君子交
初終一如故況奉家訓嚴終身守孺慕穉子復依松所
以恃無懼數載幸相親每歎德星聚今忽讀別言離情

遂欲吐悠悠世間人不解情難住情深魂黯然誰能紀
朝暮

贈裴內翰之仙

季世難真品先生品獨真濯以江漢潔性天純乎純斐
然花是筆溫然玉為人十年遠臆草獻賦驚 紫宸姓

名擢第一文藝獨標新翰苑推才子冰鑑盡人倫露盡

英雄氣秋風思鱸尊開堂紹綠野者英會洛賓退以長

生步亦松結比鄰勝遊同野鶴來問洪崖津洪津深莫

測淵靜如先生賤子得進履斂氣受陶甄招之人末座

後村詩集 卷十

十

一笑座中春巍巍玉堂叟殊不似貴紳執耳名場士卽

之復恂恂靈苗採妙藥合丹壽世民八十如四十桃臉

春風勻誰謂美人遠遙遙思山榛願賜餘丹液頓超賤

子塵雨露生百草敢曰學傳薪

無題疑是贈友

雲以竹爲郵雪以梅爲館君看竹多處無陰雲亦滿瑤

雪近柳條柳意自疎緩一種漠漠思盡屬衰花管儂與

君亦然氣味同老嬾冷淡足生活不向晴處暖

五日觀競渡

五月逢五日弔古戲龍舟我袖騷一卷痛讀寫離憂楚
江深且廣忠魂何處留楚人眾且樂日日醉江頭江頭
競酌酒俗爲先生疇豈知獨醒意皆醉徒添愁我性不
解飲酌水向江流以此清白心與君盟千秋

遊洛吟

少壯杜柴門不識天涯路老病貧難支倉皇失故步委
囑無兄弟鄰里交驚顧驅車出東門徘徊日欲暮悵悵
何所之急問前村渡前村逢旅人塵封如泥塑自笑將
無同返驗倍驚惡所以厚面顏囚之行不顧僕僕欣執

後村詩集 卷一

十一

鞭皆爲塵所誤豈知盡空囊還山手仍素

舟次荆山十和位 玉處

布帆挂淮水煙波一片秋忽艤荆山下因嗟古石頭石

璞不自銜甘貽獻者憂豈知剖石後寶氣至今浮世人

耳目賤抱璞向誰投痛哭非因別所悲志不售遙遙千

古淚長傍楚江流

今古路和劉貢父韻

廡下老多年門外不能測路忽分古今如何堪作客客
心已淒涼客路方陂側歧者遍鄉村要者居京國據之